



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

**Fargna, Francesco de
Romæ, MDCCXVIII**

Casus III. Argumentum. Cappellania Laicalis potest conferri à Patrono, sive Clerico, sive Laico, secus si deinde fiat erectio formalis illius auctoritate Ordinarii, quia tunc mutat statum, & naturam.

[urn:nbn:de:hbz:466:1-72203](#)

non intendit alteri præjudicare , nisi expressè deroget regulæ de jure quæst. non tollen. Ac proinde , ut excludatur hujusmodi præjudicium Ordinarii verbum provideat in rescripto prolatum latius interpretari debet pro nominatione , & præsentatione , itaut vigore illius Patronus possit præsentare , non verò instituere , & conferre , *Imol.* in cap. super eo de offic. delegat. n. 2. & 4. Card. de Luca de Canonice. dīc. 39. n. 2. & 3. , de renunciat. dīc. 17. n. 17. , de jurepat. dīc. 70. n. 15. , de success. dīc. 53. n. 24. Rota decis. 174. n. 3. par. 1. , & decis. 119. n. 7. & 370. num. 5. & 449. n. 10. par. 5. recent. & decis. 531. num. 22. par. 4. rec. & decis. 305. n. 18. par. 9. tom. I. rec. & decis. 14. n. 17. par. 10.

8 Si verò institutio , & collatio Ecclesiæ spectet ad Summum Pontificem , tunc aut Summus Pontifex rescritbit Patrono Clerico , ut provideat , aut ordinet Ecclesiæ , & tunc videtur illum privilegiare , & concedere privilegium instituendi , itaut Patronus Clericus vigore hujus rescripti non solum poterit præsentare , sed etiam validè instituere , & conferre ; quia in hoc casu non adest præjudicium tertii , sed solum ipsius Papæ concedentis , cui ipsem Papa renunciare potest ; Aut rescritbit Patrono Laico , & quia iste in radice est incapax juris conferendi , & instituendi , non præsumitur in dubio Pontifex per hujusmodi rescriptum voluisse ei concedere privilegium conferendi , & sic non poterit iste validè conferre , & instituere , ut expressè docet *Imol.* in d. cap. super eo de offic. deleg. n. 20. ibi— Et per hoc videtur , quod scribat Patronis Clericis , quod provideant Ecclesiæ , quod nedum poterunt præsentare , sed etiam instituere , non sic in Laicis Patronis .

ARGUMENTUM.

Cappellania Laicalis potest conferri à Patrono , sive Clerico , sive Laico , secus si deinde fiat cretio formalis illius auctoritate Ordinarii , quia tunc mutat statum , & naturam .

S U M M A R I U M.

I Cappellania merè Laicalis conferri potest propria auctoritate à Patrono , sive Laico , sive Clerico .

- 2 Relicto legato Missarum in Ecclesia Regularium à Testatore absque designatione persona , an sit in libertate Patroni committere celebrationem Sacerdotibus tam Regularibus , quam Secularibus , vel potius teneatur illam committere Regularibus , & num. 3. Amplia num. 4. & 5.
- 6 Cappellania merè Laicalis sunt capaces Laici etiam pueri , & fæmina .
- 7 Voluntas Fundatoris est omnino attendenda .
- 8 Ordinarius non potest erigere Cappellaniæ merè Laicalem in Beneficium Ecclesiasticum contra voluntatem Fundatoris .
- 9 Cappellania Laicalis , si erigatur in titulum Beneficij , non potest amplius conferri à Patrono propria auctoritate , & quare ? Vide ibi .
- 10 Quænam sint requista Beneficii Ecclesiastici . Vide num. 11. 13. 14. & 15.
- 12 Prohibitio Fundatoris , quod Ordinarius non se intromittat in Cappellaniæ provisione , procedit in Cappellaniis merè Laicibus , secus in Cappellaniis cretis auctoritate Ordinarii .
- 16 Beneficia manualia sunt vera Beneficia .

C A S U S III.

T Itius mandavit erigi , ac fundari de nonnullis ejus Bonis in quodam Altari Cappellaniæ cum onere Missarum , reservando Jus patronatus aetivum favore sui Consanguinei , & ejus descendientium in infinitum , cum declaratione , & expressione , quod dicta Cappellania esset merè laicalis , & manualis ad instar legati pii , itaut ad ipsam possent præsentari etiam Laici , & quod in ejus provisione , & dispositione non se intromitterent nec Dataria Apostolica , neque Episcopus , nisi tanquam Executor legalis legatorum piorum .

Erecta igitur , & fundata per ipsummet Titum hujusmodi Cappellania merè Laicali , per plurimum annorum decursum Consanguinei Titii Patroni illam propria auctoritate contulerunt modò uni , modò alteri Sacerdoti , qui Missas à Tito injunctas celebraret ; sed quia deinde hujusmodi Cappellaniæ fuit facta cretio formalis in Cancelleria cum decreto Vicarii , non contradicente eodem Tito fundatore . Hinc oritur dubium , an Patroni possint in posterum illam propria auctoritate conferre ?

Cer-

1 Certum est, quod Fundator in limine foundationis Cappellaniæ merè Laicalis disponere possit, quod Ordinarius non se intromittat in illius provisione. *Garz. de Benef. par. 1. cap. 2. n. 105.*, & quod Cappellania merè Laicalis, seu legatum Missarum adimplendum in aliquo Altari, seu Ecclesia conferri possit propria auctoritate à Patrono, sive Laico, sive Clerico, *Bellett. disquisit. Clerical. par. 1. §. 8. n. 23. pag. mibi 78. Gonzal. ad reg. 8. Cancellar. glos. 5. n. 35. Amofaz. de caus. piis lib. 3. c. 2. n. 2. & seq. Rota decis. 182. n. 2. par. 1. divers. & decis. 264. n. 1. par. 2. divers. & in Senogallien. Cappellania 16. Aprilis 1696. §. Exclusa coram Molines, & resolutum fuit à Sacra Congregatione Concilii in Indianum Cappellaniæ 11. Decembris 1677. cum hac tamen distinctione, quod si Cappellania merè Laicalis, aut legatum Missarum fuerit relictum à Testatore adimplendum in aliquo Altari, aut Ecclesia, designata per eundem Testatorem Personam, seu Sacerdote, qui debeat illud adimplere, conferri debet à Patrono Personæ designata; si verò fuerit à Testatore adimplendum in Ecclesia Regularium absque designatione, & specificatione Personæ, tunc illud conferri debet à Patrone Regularibus, & fieri Missas celebrari per Regulares, non verò per Sacerdotes Sæculares, ut sentiebam in una Romana Eleemosynæ Missarum studens apud R. P. D. Ausidæum dignissimum Sacrae Congregationis Concilii Secretarium, ubi cùm Paulus de Matthæis in testamento condito anno 1592. legaverit Archiconfraternitati Sanctissimi Crucifixi in Ecclesia S. Marcelli erectæ, loca quadraginta octo montium, cum onere ex fructibus eorum pueras à die sui obitus dotandi, e che (sunt verba ejusdem Testatoris) nella mia Cappella in Araceli ogn' anno in detto giorno si celebri una Messa Alta alle spese de' frutti di desti luoghi de' monti. Et cùm hujusmodi Missa fuerit semper celebrata per Fratres Conventus Araceli, insurrexit ex abrupto præfata Societas prætendens in posterum dictam Missam celebra ndam Sæcularibus Sacerdotibus committere. Unde inter cætera proposito dubio in Sacra Congregatione: An Archiconfraternitas possit celebrationem Missæ, de qua agitur, committere Sacerdotibus*

tibus Sæcularibus, seu illam potius teneatur celebrari facere per PP. Sancti Francisci.

3 Respondendum dicebam -- negativè quoad primam, & affirmative quoad secundam partem, quatenus Patres Missis satisfacere non recusent. Missæ enim celebrandæ in Ecclesia Regularium ex dispositio- ne Testatoris absque specificatione Personæ, quando non constat de voluntate ejusdem Testatoris in dubio sunt celebrandæ per ipsos Regulares, & isti sunt preferendi Sacerdotibus Sæcularibus, juxta resolutionem Sacrae Congregationis Episcoporum relat. per Nicol. lucubr. Can. lib. 3. tit. 31. num. 15. Monacel. tit. 10. for- mul. 19. nu. 17. tom. I. Mattheuc. de offic. Cur. c. 9. n. 8. Talis enim videtur esse mens Testatoris, maximè in casu præsenti, vbi legatum Missæ non videtur directum ad Confraternitatem, sed ad Cappellam inutus Ecclesiam Regularium, dum in dubio legatum pro Missis dicendis censetur relictum intuitu Ecclesiæ, *Rota decis. 1149. num. 6. coram Seraphin.*, & legatum Missarum factum intuitu Ecclesiæ est adimplendum per Rectorem Ecclesiæ, & sic in hoc casu per Regulares *Rota decis. 294. nu. 1. par. 9. recent.*

4 Concurrente præsertim observantia, ipse enim met Testator adhuc vivens celebrare fecit Missas in ejus Cappella per Religiosos. Ex qua observantia ab ipso met Testatore proveniente, & usque nunc continuata etiam per Confraternitatem elicitor eiusdem Testatoris voluntas esse, quod dicta Missa celebretur per ipsos Patres, & quod isti sint præferendi Sacerdotibus Sæcularibus, *Card. de Luc. de benef. disc. 61. num. 13. Rota in Sutrina Canonica- tus 21. Junij 1706. §. finali coram Eminen- tiss. Priolo.*

5 Ac attenta etiam qualitate Missæ, quæ non est lecta, sed cantata; quæ si permetteretur celebrari per Sacerdotes Sæculares ad exclusionem Regularium, imponeretur onus nimis grave eisdem Regularibus, eorum quietem perturbans, quod non est permittendum *Mattheuc. offic. Cur. Eccles. cap. 9. num. 8. §. Verum.*

Quibus non obstat resolutio Sac. Congregationis Concilii in Maceraten. 15. Martii 1692. relat. per Monacel., & Mattheuc. ubi supra, ubi enim solùm resolu-

tum

tum fuit, electionem Cappellani pro cœlebratione Missarum in Ecclesia Minorum Conventualium Montis Miloni à Testatore non nominati spectare ad hæredem, & non ad Regulares, quod non controvèrtitur, & solum dicimus, quod in hoc casu Archiconfraternitas, quæ habet elegere, & nominare Sacerdotem pro adimplendo legato Missæ à Testatore demandata teneatur nominare, & committere hanc cœlebrationem potius Regularibus, quam Sacerdotibus Sæcularibus.

Et ita resolutum fuit ab eadem Sacra Congregatione die 5. Septembri 1716. in responsione ad secundum dubium.

Dubium igitur est in casu præsentis, ubi Cappellania enixè volita à Fundatore pro Laicali, deinde fuit erecta in Beneficium Ecclesiasticum: An supradicti Patroni possint continuare in possessione illam liberè conferendi propria auctoritate?

Et videtur respondendum Affirmati-
vè, quia per hujusmodi erectionem non
videtur præfata Cappellania mutare sta-
tum, & naturam, dum Fundator expre-
sè, & clarè voluit hujusmodi Cappella-
niam esse laicalem, & manualem, & nul-
latenus affectam Dataria, aut Episcopo,
cujus sunt capaces Laici, etiam pueri, &
foeminae, ut bene notant Gonzal. ad reg. 8.
Cancell. glos. 5. n. 26. Amofaz. de caus. piis
lib. 3. cap. 2. n. 43., & Dominus meus Pito-
nius discept. Eccl. 19. n. 16. in fine, quæ

7 voluntas expressa Fundatoris non potest
alterari, sed est omnino attendenda, juxta Text. in l. quia poterant ff. ad Trebell.,

Aretin. conf. 143. n. 5. vers. quia quantum,
Iason. conf. 205. num. 16. vers. tertio dicitur

lib. 2. Rota decif. 54. n. 37. par. 13. rec.

Ac proinde non obstante hac erectione, quæ

videtur nulla, utpote facta contra volun-
tatem Fundatoris, dum non est in potesta-

te Ordinariorum facere Cappellanias

collativas, & erigere in Beneficia Eccle-
siastica contra Fundatorum voluntatem,

ad Clement. quia contingit. vers. cum tamen

ea de Relig. domib. Mand. in Reg. 34. q. 11.

n. 2., & alii apud Garz. de Benefic. par. 11.

cap. 2. n. 105. poterunt idem Patroni con-

tinuare in possessione conferendi, & illam

propria auctoritate liberè conferri.

His ramen non obstantibus, veritas de

jure est, quod non possint amplius Patro-

ni in hoc casu præfata Cappellaniam

Pars II.

propria auctoritate conferre, quia hujus-
modi actus formalis erectionis mutavit
statum, & naturam dictæ Cappellaniae, &
reddidit illam collativam, & Ecclesiasti-
cam, & nullatenus illa retinet amplius
naturam laicalitatis, & legati pii, juxta
glos. 1. in Clem. 2. de decimis in fine, Fælin. in
cap. ex parte secunda num. 2. de rescript. &
conf. 41. & 45. Decius conf. 210. n. 1. Rebuff.
in praxi tit. Sæculare beneficium quotuplex
n. 14. & 15., & de pacific. possess. n. 102.

10 Et revera, quod præfata Cappellania
non amplius retinet naturam laicalitatis, & legati pii, patet ex eo, quod posita
eius erectione auctoritate Ordinarii, jam
in ea concurrunt omnia requisita necessaria
ad constituendum Beneficium Ecclesiasticum, juxta doctrinam, & theoricam
Abbatis conf. 47. lib. 2., quam sequuntur
omnes Canonistæ, ac etiam Corrad. in pra-
xi benefic. lib. 1. cap. 2. usque ad 6. Gonadal.
ad regul. 8. glos. 5. num. 6. & seqq. Ricc. col-
lect. decif. 1657.

11 Primò enim collatio, seu institutio il-
lius spectat ad Personam Ecclesiasticam,
nempe ad Episcopum, non quidem libe-
rè, sed ad præsentationem Patroni, cùm
Cappellania fiat collativa per ejus ere-
ctionem formalem auctoritate Ordinarii,
juxta auctoritates superiùs relatas.

12 Nec obstat prohibitio Fundatoris, quod
Ordinarius non se intromittat in Cappel-
lania provisione, sed ad solum Patronum
spectet; quoniam hæc prohibitio valet, &
tener in Cappellaniis institutis à solis
Fundatoribus absque ulla auctoritate, se-
cūs in Cappellaniis spiritualizatis, seu ere-
ctis auctoritate Ordinarii, ut bene notant
Garz. de Benefic. par. 1. cap. 2., & alii apud
eum relati n. 97. & 105., & dicam infra
Part. V. Can. II. & III.

13 Secundò, habet annexum aliquid spi-
ritualitatis, quia habet annexam celebra-
tionem Missarum.

14 Tertiò, conferri debet Clerico, & ad il-
lam non potest amplius Patronus præsen-
tare personam laicam, quæ cùm sit dese-
incapax rerum, & jurium spiritualium,
juxta Text. in cap. causam que de præscript.
non potest tenere dictam Cappellaniam,
utpote spiritualizatam per formalem ere-
ctionem auctoritate Ordinarii, ut obser-
vant Fælin. in cap. cùm adeò n. 1. de rescript.
Probus ad Monach. in cap. nullus de tempor.

T ordin.

*ordin. in 6. nu. 11. Lambertin. de jure patr.
1.par.2.lib. q.7. art.7. § 29.*

15 Quartò denique dicta Cappellania est perpetua saltē aptitudine, ut sunt omnia Beneficia manualia, quod sufficit ad essentiam Beneficii, scilicet non confertur ad tempus certum, & definitum, sed incertum, & indefinitum, nimisrum quoisque voluerit Patronus; Perpetuum enim injure dicitur, quod potest esse perpetuum, & quod certo tempore non terminatur, *cap. Clericos de cohab. Cleric. ibi perpetuum, & l. si sufficit de condit. indebit.*

16 Et licet hujusmodi Cappellania sit manualis, & ad nutum amovibilis, non ex hoc inferri potest, quod non sit verè Beneficium, quia est amovibilis, iuxta doctrinam *Garz. de Benef. par. 1. cap. 2. n. 82..* & Beneficia manualia sunt vera Beneficia, ut idem notat *num. 77.*

Hinc objecta superius allata nihil concludunt. Verum enim est, quod voluntas Fundatoris sit attendenda, & quod non possit mutari, nec quidquam fieri contrarium ab Ordinario, sed in praesenti ipse met Fundator mutavit voluntatem suam, permittendo, & consentiendo erectioni formalis dictæ Cappellaniæ auctoritate Ordinarii, dum videns illam erigi ab Ordinario in titulum Beneficii non se opposuit, nec ei contradixit, & consequenter tacite ratum habuit quidquid per Ordinarium fuit dispositum.

ARGUMENTUM.

Patronus si fiat Episcopus illius Diœcesis ubi existit Beneficium Patronale, an possit illud conferre, & quid si ipse sit translatus ad aliam Diœcensem.

SUMMARIUM.

- 1 *Duo correlativa an, & quando adesse possunt in una, eademque Persona?*
- 2 *Patronus effectus Episcopus potest conferre Beneficium Patronale existens intrà propriam Diœcensem.*
- 3 *Præsentatio, & institutio an, & quando adesse possint in una, eademque Persona.*
Et num. 4.
- 5 *Patronus Episcopus translatus ad aliam Diœcensem non potest conferre, sed solum præsentare ad Beneficium Patronale prioris Diœcesis.*

6 *Per translationem Episcopus amittit omnia jura prioris Ecclesie, nec potest amplius colligere hujus fructus.* num. 8.

7 *Institutio, seu collatio est unus ex majoribus fructibus Episcopatus.*

9 *Per translationem vacat prior Episcopatus tam quoad titulum, quam quoad possessionem.*

C A S U S I V.

P Atronus ratione proprii patrimonii cuiusdam Beneficii existentis intrà Diœcensem A. effectus fuit Episcopus ejusdem Diœcesis, & propria auctoritate in successivis vacationibus non contentus pura, & simplici præsentatione illud contulit Personis idoneis; deinde justis intervenientibus causis auctoritate Apostolica translatus fuit ad aliam Diœcensem, & succedente interim vacatione ejusdem Beneficii continuare intendebat in possessione illud conferendi, cui se opposuit modernus Episcopus Diœcesis A. intrà cuius fines assurgit præfatum Beneficium. Hinc duo quæro in hoc Casu.

Primò, *An Patronus effectus Episcopus possit conferre Beneficium Patronale intrà propriam Diœcensem existens. Et quatenus affirmativè?*

Secundò, *An possit illud conferre, si fuerit translatus ad aliam Diœcensem?*

Et quoad primum respondendum videatur *negative*. Clara est enim dispositio supradictorum *Canonum* prohibentium Patronis institutionem, & collationem Beneficiorum Patronalium; Unde Patronus, licet promotus ad Episcopatum, non potest conferre proprium Beneficium Patronale, suadente præsertim ratione illa, quod si Patronus Episcopus posset Beneficium conferre, cum deberet etiam ad illud præsentare, jam concurrerent in ipso præsentatio, & institutio, quod videtur impossibile; quoniam cum præsentatio, & institutio, seu collatio sint inter se correlativa, exigunt concursum duarum Personarum, & impossibile est adesse in una, eademque Persona, *Butr. in cap. Postulatis de concess. præben. nu. 4. Lotter. de re benefic. lib. 1. q. 15. n. 38.*

2 His tamen posthabitibus censeo Patronum promotum ad Episcopatum, & effectum Episcopum posse propriâ auctoritate conferre Beneficium Patronale extens